

**-UPRAVNI ODBOR-**

Broj: 02-2-2/23

Sarajevo, 09. 02. 2023. godine

Na osnovu člana 59. Zakona o visokom obrazovanju („Službene novine Kantona Sarajevo”, broj 36/22), člana 21. Zakona o računovodstvu i reviziji u FBiH („Službene novine FBiH”, broj 15/21), člana 67. Pravilnika o knjigovodstvu budžeta u Federaciji Bosne i Hercegovine („Službene novine FBiH”, broj 60/14), člana 55. Statuta Univerziteta u Sarajevu sa pratećim izmjenama i dopunama, člana 35. Pravilnika o popisu imovine i obaveza Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu je, na 12. vanrednoj sjednici održanoj, *elektronskim putem*, dana 09. 02. 2023. godine, *donio*

ODLUKU**I**

Usvaja se Izvještaj Centralne popisne komisije Univerziteta u Sarajevu za 2022. godinu, broj: 0101-11457/23 od 07. 02. 2023. godine, koji čini sastavni dio ove odluke.

II

Upravni odbor Univerziteta u Sarajevu prihvata preporuke Centralne popisne komisije Univerziteta u Sarajevu konstatirane u Izvještaju iz tačke I ove odluke.

III

Zadužuje se Pomoćni operativni centar za visoko obrazovanje Univerziteta u Sarajevu da u saradnji sa službama za računovodstvo i finansije članica Univerziteta u Sarajevu implementiraju usvojene prijedloge u okviru Izvještaja iz tačke I ove odluke i o tome u pisanoj formi izvijeste Upravni odbor Univerziteta u Sarajevu.

IV

Ova odluka stupa na snagu danom donošenja.

Obrazloženje

Na osnovu obaveze utvrđene odredbama člana 21. Zakona o računovodstvu i reviziji u FBiH („Službene novine FBiH”, broj 15/21), člana 67. Pravilnika o knjigovodstvu budžeta u Federaciji Bosne i Hercegovine („Službene novine FBiH”, broj 60/14), Upravni odbor Univerziteta u Sarajevu je na devetoj (9.) redovnoj sjednici održanoj 23. 11. 2022. godine donio Odluku o provođenju redovnog popisa imovine, obaveza i potraživanja Univerziteta u Sarajevu za 2022. godinu, broj: 02-28-9/22.

S tim u vezi, Centralna popisna komisija Univerziteta u Sarajevu izradila je Izvještaj, broj: 0101-11457/23 od 07. 02. 2023. godine i isti, putem rektora Univerziteta u Sarajevu, uputila na nadležno postupanje.

U okviru predmetnog Izvještaja Centralne popisne komisije, predložene su sljedeće preporuke:

- a) Da Upravni odbor usvoji pojedinačne prijedloge za svaku članicu Univerziteta u Sarajevu, te da iste zaključno sa 17. 02. 2023. godine dostavi Vladi Kantona Sarajevo na usvajanje, a u skladu sa Uputstvom Ministarstva finansija Kantona Sarajevo o radu popisnih komisija i obavljanju popisa sredstava, potraživanja i obaveza za 2022. godinu broj: 08-11-48585-1/22 od 01. 12. 2022. godine.
- b) Da se nakon provedenog knjiženja identificiranih razlika (viškova, manjkova, otpisa, razgraničenja, internih transakcija, ostalih ispravki) organizacionih jedinica Univerziteta u Sarajevu u Glavnom operativnom centru (GOC) Ministarstva finansija Kantona Sarajevo sačine i dostave konačni bruto bilansi svim članicama Univerziteta u Sarajevu od strane Pomoćnog operativnog centra za visoko obrazovanje (POC) Univerziteta u Sarajevu do 23. 02. 2023. godine u skladu sa gore navedenim Uputstvom.
- c) Da članice Univerziteta u Sarajevu nakon provedenog knjiženja identificiranih razlika (viškova, manjkova, otpisa, razgraničenja, internih transakcija, ostalih ispravki) dostave ažurirane Tabele 1-5 sa pratećim pojašnjenjima Centralne popisne komisije Univerziteta u Sarajevu i Jedinici interne revizije Univerziteta u Sarajevu.

Upravni odbor Univerziteta u Sarajevu je na osnovu člana 35. Pravilnika o popisu imovine i obaveza Univerziteta u Sarajevu, odlučio kao u dispozitivu ove odluke.


**PREDSJEDNIK
UPRAVNOG ODBORA**
Dr. sc. Murat Ramadanović

Dostaviti:

- Vladi Kantona Sarajevo, putem Ministarstva za obrazovanje, nauku i mlade Kantona Sarajevo
- Rektor Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Članicama Univerziteta u Sarajevu
- Centralnoj popisnoj komisiji Univerziteta u Sarajevu, putem sekretara
- Internom revizoru
- Izvršnom direktoru
- Generalnom sekretaru
- Pomoćnom operativnom centru za visoko obrazovanje Univerziteta u Sarajevu
- Službi za računovodstvo i finansije Univerziteta u Sarajevu
- ☞ U dokumentaciju Upravnog odbora Univerziteta u Sarajevu
- Arhivi

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
email: javnost@unsa.ba